

Mugertza (Muertza)



MENDIZABAL GARMENDIA familia

MUERTZA Elbarrena auzoko baserria da. Herri-rik gertu samar dago. Baserri inguruko sailen izenak dira *Martin soroa*, *Goiko zelaia*, *Ibargun basoa*.

Baserria berrituta dago. Gaur egun bertan hiru familia bizitzeko jarrita dago.

Oraingo jabeen aurreko batek, Inaziok, Joan zenaren aitak, erosi omen zion baserria bere anaia Joxe Mariri, baina aldeztu aurretik, *Ibarguren* baserrian bizi ziren eta *Muertza*, baserria erosi ondoren etorri ziren.

Mamunetik ezkondu zen Inazio Mendizabal Ibarguren baserrira, Manuela Jauregi Oiarbiderekin. Aurretik *Muertza* bizi zen Joxe Mari ere *Mamunetik* ezkondu zen Bergarako Maria Luisa Alberdirekin, eta, *Muertza* anaiari salduta, Donostiara joan ziren bizi izatera.

Joan Mendizabal, *Muertza*ko semea, Joxepa Garmendia Mujika (1903), Zaldibiko *Bianda* baserriko alabarekin ezkondu zen, 1928ko azaroaren 17an, goizean goiz. Ezkondu zirenean, etxean zituzten aita-amak (Inazio Mendizabal Mendiguren eta Manuela Jauregi Oiarbide), amona (Manuelaren ama, Ataungo Frantziska Oiarbide Barandiaran, Joan Antonio Jauregi Aldasorekin Ataunen 1872-04-23an ezkondu eta bizitzen aurrena Ibarguren jarri zirenak) eta sei anaia-arreba (Joan Inazio zaharrena (1898), Joxe Leon Zubiaurre baserrira ezkondua, Rafael Beasainera, Felipe Ordiziara, Joxe *Mielmañeko* Joxepa Arreserekin ezkondua, Iñaxi Ordiziara eta 27 urte zituela hil zen Prantxi-

ka). Horiez gain, Manuelak semetzat hartuta zeukan etxean Damian, militar baten txofer gisa lan egiten zuena eta istripuz gazterik hil zena.

Joanek eta Joxepak zortzi seme-alaba izan zituzten: Elena, Miren, Manoli, Pakita eta Iñaxio eta Itziar, Iñaki eta Garbiñe, azken hiruok umetan hilak. Joan Mendizabal Zaldibiko alkate izan zen II. Errepublikara garaian, Francoren altxamenduak kargutik kendu zuen arte.

Baserritik ateratzen zuten bizimodua. Hamar-hamabiren bat buru ba omen zituzten, txekor, behi eta idi, eta txerriak ere bai. Etxerako baratza egin, eta inguruko herrietan ere saltzen omen zuten.

Etxean jan beharreko indoaba (babarruna) gordea izaten omen zuten. Bilore Fabrikan Pakitak egin zuen lan, 1956tik aurrera.

Baserriaren arrastoa idatzietan

Mugarza baserria agertzen da 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere emaileen artean. Bilera hartan baserri horretako hiru ordezkari agertu zirenez, izan daiteke, ordu-rako, hiru bizitza izatea bertan.

Informazio emaileak:
Elena Mendizabal eta Inazio Mendizabal